



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Missa quid sit. tit. 105

urn:nbn:de:hbz:466:1-29452

qui publicis criminibus fœdati sunt, suscipere cibū: multo minùs Ecclesia debet admittere criminosos publicos ad communionem, ne in corpus & sanguinem Christi delinquatur. Etiam vt non communicemus cum illis, qui specialem sibi sectam delegerūt, & non concordant cum Catholica fide & doctrina, ne participes fiamus odij eorum & dissidiorum, & approbemus illorum errores, quos habent de venerabili Sacramento, vbi aliqui credunt solum panem, aliqui Christum esse, sed sine diuinitate. Solum ergo ille dignè communicat, qui primò dolet de peccatis suis & pœnitet, & intendit emendare vitam. Secundò, qui credit Christum pro se mortuum & passum, Roman. 4. Tertio, qui in vnitatem & concordiam proximi communicat, & est sine secta. De illis tribus si vnum defuerit, non dignè communicamus: idè iuberet Apostolus 1. Corinthiorum 11. vt homo seipsum probet, & sic de pane illo & calice &c. ne quis indignè communicans. Primò peccet in corpus & sanguinem Christi: Secundò, ne manducet sibi ipsi iudicium & mortem, &cæt. Nam habere Sacramentum ad pœnam, & non ad fructum, plus damnationis habet, 2. Pet. 2. Melius foret &c.

Indignè communicans, Primò peccat in corpus: Secundò, temporalem pœnam incurrit, sic dormiunt multi. Tertio, iudicium, id est, damnationem æternam, 1. Corint. 11.

MISSA QUID SIT.

TITVLVS CV.

Ria sunt notanda. Primò, quid sit Missa: Secundo, cur instituta: Tertio, qui sint fructus Missæ. Primò, Missa est opus in quo iuxta mandatū Christi vinum & panis consecratur in corpus & sanguinē eius, & communicatur in memoriam passionis Christi, pro-

sti, propter nostra peccata factæ in cruce. Lu. 22. Hoc facite. Secundo, Matth. 26. Accepit panem, gratias agens, benedixit, dicens: Hoc (nunc) est corpus meum. Tertiò, Hoc facite, id est, consecrate, sumite in meam memoriam, id est, quotiès sumitis & facitis, cogitate quod vos redemi meo sanguine, &cæt. Sunt igitur hæc tria summa capita, consecrare, sumere, & memoriam passionis habere.

Secundò, Missa est instituta propter tres causas. Prima est commemoratio, vt in Ecclesia esset quotidiana memoria passionis Christi, nè hoc sacramentum vel opus redemptionis nostræ obliuisceretur, sed ipsum nobis proponeretur: si enim Iudæis fuit præceptum, vt omni anno manducarent agnum paschalem ob liberationem ex Aegypto de manu Pharaonis, Exod. 12. quæ liberatio sola fuit corporalis: multo amplius nos, qui æternaliter sumus liberati à peccato, sathana, inferno per mortem Christi, debemus quotidie habere huius rei memoriam, Vult enim Deus habere memoriam suorū mirabiliū, Psalmo centesimodecimo. Secunda causa, vt fierent orationes quotidie pro tota Ecclesia & omnibus statibus quatenus Deus nobis distribuere dignetur virtutem & meritum passionis Christi id est, remissionem peccatorum, augmentare & conseruare in fide, & dare vitam æternam propter illum sanguinem effusum. Ideò sacerdos ter dicit, Agnus dei &cæt. Ioan. 1. & iuxta Apostolum, 1. Timo. 2. fiunt obsecrationes, id est, precationes, vt sunt introitus, Kyrieleyson. Secundò, Orationes, id est, collectæ pro viuis & defunctis & omni statu. Tertiò, postulationes, quibus petimus propter sanguinem, passionem & mortem CHRISTI, misericordiam, nõ propter nostrorum operum dignitatem. Insuper & gratias agimus in Completorio pro acceptis beneficijs. Et hæc etiam tertia causa institutionis Missæ, videlicet gratiarum actio pro redemptione

prione per Christū, & singulis alijs beneficijs, & sic etiam alloquimur sanctos & angelos Dei, vt pro nobis precetur, vt Deus distribuat, &cæt. Ex hoc liquet, quod etiam Missa alijs quàm celebranti profuit. Nam licet communio solum profuit celebranti, orationes tamen & collectæ profunt multis alijs & circumstantibus, presentibus, absentibus, prelatis & subditis, quia toti Ecclesiæ videlicet prodest hæc oratio.

Tertio, fructus Missæ sunt, Primò, confirmatio in fide passionis Christi: qui enim frequenter adest Missæ, & videt in eleuatione corpus & sanguinem Christi, & pensat illa, cogitando: Eccè hoc corpus pro te traditum est in cruce. Hic sanguis effusus est pro remissione peccatorum tuorum, Matth. 26. Hæc cogitatio confirmat fidem, accendit deuotionem cordis, mouet ad orandum & gratias agendum Deo, dat occasionem cogitandi peccata sua, &cæt. Sic Actor. 2. Erant perseverantes in fractione panis, doctrina & oratione Et sic creuit Ecclesia: sed postquàm conciones sunt factæ bella, oratio reiecta, Missa blasphemata, decrescit Ecclesia. Secundus fructus est confortatio in bello cōtra sathanam: quotidianum bellum agimus Ephes. 6, cum sathana, & quia circa Missam accipitur Christus spiritualiter, aut etiam corporaliter & spiritualiter, idèd timet sathan tales aggredi. Nam videt Christum esse in homine, Ioan. 6. Qui manducat me, &cæt. Roman, 8. Si Deus nobiscum, &cæt. cui iterum incorporamur. Vide sprà quid sit Eucharistia.

*MISSA AN SOLVM PRO
sit celebranti,*

TITVLVS CVI.

PRIMò, in omni Missa duo fiunt, vsus & sumptio sacramenti, sicut CHRISTVS præcipit Matth. 26. Accipite comedite: & sic eius sacramenti